

中國地方志集成

重慶府縣志輯 ①7

乾隆涪州志

道光涪州志（二）

巴蜀書社 · 鳳凰出版社 · 上海書店

第十七册目錄

乾隆涪州志.....一

道光涪州志（一）.....三三

隆乾

涪州志

清·多澤厚 修 陳于宣 纂

乾隆五十年刻本 十二卷

續脩涪州志序

且夫志乘之書所以紀其可法
可傳之事以垂之後世也然可
法可傳之事有加無已而志之
一書必數年而一增使世遠年
湮不為搜羅補葺則可法可傳

序

者必至遺忘無存已涪名區也
其山川之蔥鬱人物之清奇甲
於西蜀而志乘一書湮沒於明
季之灰燼迨我

朝應運而起則殘篇斷簡杳矣無
存幸前牧蕭公網羅放失草創

數冊然其間多塗抹訛舛不無

亥豕之虞後數年而董君至乃

捃摭散帙校正始成一

且補其舊蹟續以新編本本源

源亦覺穢然可觀然自康熙五

十三年後無人續理其數十年

序

之人物事蹟則湮滅而弗傳今

天子命儒臣脩一統志

詔天下省郡州縣各脩其志以備採

擇東西南朔並有成書而涪陵

為三巴鉅邑安可任其散失貽

憾將來乎於是延州之縉紳學

士囑其旁搜博採再為增脩諸紳士皆欣欣向義取父老之傳聞與裨官之紀載分門別類編訂成帙亦不過補數年之蹟步前人之塵記其可法可傳者以徵信於後世耳若夫文加藻采

序

三

辭尚簡要出經入史折衷盡善是有望於後之撫斯土者是為

序

省

乾隆五十年歲次乙巳冬十一月穀旦

誥授奉直大夫四川重慶府涪州知

州加三級多澤厚謹撰

序

四

續修涪州志序

蜀之東偏山密偉起東水會合鎮攝全川者
爲渝州涪城處渝之東北下游三百里形勢盤
轉蒼秀代產名人實徵文獻涪志之作有
自來矣類彙編輯成書具在固已信而可徵
惟是

國家承平百四十餘年重熙累洽山川効靈毓
秀鍾英聲華益茂凡所以飭倫紀維風俗敦

序

詩書盛文史顯科名昭宣蹟典夫荒邨僻壤
奇節異行日增月盛指不勝屈而涪志之未
修垂七十餘年其前志之偶累未備者不
往有之今牧伯多公下車首務及此亦
仰體

聖天子圖治勵精省方尚俗至意分鄉摺撫設
局纂校遠參舊聞近著新美歷春徂夏迄
秋之杪而是書告竣晰爲十二弓綱舉目張

序

寧爲郭公之闕疑不蹈劉五之假借洵是脩
國史之取裁詞館之資討哉昔唐宣宗命學
士韋澳集天下風土利弊爲一書西門豹治
鄴旁按宇內山川風氣繪圖以進此物此志
也古籍臨江引疾後卜處於涪未及廿載見
聞不廣學殖久荒兼以昏眊無能爲役有辜
簪纓之責抑亦幸是書之成爲都人士慶
而益以念公之表微闡幽嘉惠涪人者

典北山俱高其挹水俱長且垂盛美於不
朽也已爰綴數言于簡

時

乾隆五十年歲在乙巳菊月中潯臨江彭

宗古信亭氏謹撰

二

續修涪志序

涪志未經續修者七十餘年矣查閱舊纂始於康熙甲午前州牧董公暨州明經馮君編輯成書未免略而不詳非略也明季時兩遭兵燹十室九空僅得凋殘遺老口授見聞而溯前考核文獻無徵夫山川形勝自有不易之程而時會遷移豈無疊出之秀矧沐

聖朝之推化百四十餘年其間之忠孝節義碩膚碩

序

達自不乏人湮沒不彰奚以示來茲而維風化余年八十矣歸林十八載每念涪志未修未嘗不歎歎嘆息憶我簿書楚湘三歷其地而三續其書何慣為人作嫁衣而轉於吾鄉輕華衮也惜年衰力絀經始無自幸逢賢侯多牧伯蒞任茲土孜孜以續志為首務又得鄧少府協贊情殷正我涪善類著行幽光煥發之會爰集閩州人士相與會議靡不歡欣而樂從焉衆推

余為首領余慮龍鍾不克當此任環顧同人無

可諉者况以夙願未了之事既有始基亦何必多讓為也是以不揣昏眊而勉承之所仗者我祖八川籍涪一十三世通籍八世代有聞人家無長物僅餘藏書爰携子廷璠姪祖烈並選同學中之誠實老成者八人入館編輯分門別類務期考核周詳凡舊志中之未備者增補之非臆說非假借無偽無訛事關採訪者揀聘端士

序

十人分鄉搜羅亦期不遺不濫閱六月而稿成余學識疎淺文辭簡朴媿無良史才不過以老夫六十年之見見聞聞據事直書非敢論列前人知我罪我者其亦可以共諒矣是為序

時

乾隆五十年歲在乙巳菊月上潯州人陳于宣

崧亭氏謹識

原序

明戶部
員外郎
夏國孝
州

涪於兩漢尙曰涪陵縣至唐貞觀間始升爲州
蓋周末巴蔓子之裔兄弟流入酉辰沅雄構五
溪而道由此而西也山脈從滇之木容丘雄端
際而來至南川金佛綿亘數十里巔巒雲霧滃
濛又東北行二百餘里振拓輿衍始畢於蜀黔
兩江之匯而涪出焉蜀水色紅如硃黔水色綠
如碧兩水滂沛潏澗紅綠相錯如錦江心有洲
適當其匯昔人名曰錦繡以此也其毓英鍾秀

涪州志

夏序

多磊落不羈亦復樸直剛正毅然獨立不屈
傍寄塹籬文勢勃發代有駿聲淮南所謂山氣
多陽也元季明氏父子據之爲用武門戶之區
劉誠意平蜀表云舞旌旆於涪水是已恭承我
明祖洪武辛亥始命湯公和廖公永忠帥師收
蜀而涪由是披霾瞻日迄今百八十年所山川
效靈人文蔚起我叔祖松泉公曩與余在京邸
每慨嘆於涪志之未舉以爲闕事今天子赫然
中興制作炳煌如易文廟塑像代以木主奉孔

子爲先師而敬一之箴平臺之咏與輿地詩之
和章俾彼雲漢展矣乾坤虎變一中天文明之
會哉茲郡大夫領集庠中多士謬以斯志見命
邛荆扉者再余不能辭念余昔分部南畿時有
邛江之役見維楊一蜀山泉郡中羣相矜異因
憶家園山水形爲夢寐今桑梓可敬以是暫煩
管城子假之以譖吾涪之勝豈必以身隱不文
之說而拘拘遜謝耶勉竣厥事爰書於左以告
後之知我者

涪州志

夏序

二

舊序

明經劉之益州人

昔有明曹能始合晉董狐郭景淳爲一統志神宗嘉悅謂可與國史麟經並隆重也故蜀地甫康而當事諸君子卽以志爲首務會城刻有全蜀總志殆亦鄴侯入關先圖籍之意哉但總志秘之錦官而各屬例有耑刻不則無以便分閱達戶曉也涪爲兩江要會左亘岷峨錦水右及夜卽牂牁不必輶軒問俗職方稽風如昔之守是邦者漢有龐參諸良牧唐有姚南列循守宋

涪州志

劉序

之黃魯直程叔子及有明之邵趙廖方四君子迄今千有餘載頌德弗衰而產是邦者若譙達微之以理學著曼亞夫之以惠淑名先大父秋佩公之節義文章史不絕書光爭日月其所以維風正俗豈淺鮮哉他如幅幘之繡錯阡陌之腴連義烈之足爲鄉範宦業之足爲民表以至十四篇獲售之儔魁元鵲起鄉輔聯殆炳炳然文物之陬井絡坤維中一大名封也惜明烈宗甲申後舊版渝於劫燬至我

國朝庚子署州事趙公廷正來撫吾涪卽訪求舊

志猶得一冊益等僅抄錄之以遺於後而舊冊又爲趙公攜去幸康熙壬子郡父母朱公麟正欲爲續修草蘖初就會滇兵起又未果茲於述舊志外忝以天崇時見聞確有據者勉襄一日雅懷亦吾涪承前待後之事也夫事之無裨於地者君子不以之褻筆書之無補於時者詎人直以之覆瓿志之爲書匪徒紀山川列方物已也欲人見品誼則浣彼夙夜紙上可飲椒蘭觀

涪州志

劉序

姓氏則砥茲冰蘖兒童可識司馬按形勝則知靖此疆圉何以潁川鳳集河陽花滿閨丁櫓則如俠圖在眼何以豐日益玉荒日益穀琅琅致鏤庶不災及梨棗耳嘗怪它邑事志者不識此如信史若吳兢之拒張說孫盛之書桓溫與高允之弗推崔浩廼爲有補儻挾一己之私妄者雌黃突失前人面目喪一家顯腐增科置莫虞他刻可稽視可經可史之重典爲欲唾欲嘔之輜編則一魏收穢史矣邇者寇霾已靖萬里河

山仍歸一統我

聖天子皎日高懸薄海欣忭旋得洪都郡蕭父母乘
運而至釋奠崇儒禮賢課士人文蔚起百廢俱
興又荷蒙府祖臺孫公表率綏理雅意盛典異
日者紀名宦豈無如程如黃其人語鄉賢豈無
如晏如劉其人者余三五老兒猶欲策杖而觀
以志之志夫昔者志今日更欲卽志之志今日
者志他日也是爲序

涪州志

劉序

三

舊序

明經文 珂州人

涪志編自明之世宗朝薦紳冠山夏公材擅三
長不減君實永叔之閑通詳核也家藏戶習傳
之奕襖開卷昭然迨甲申一炬與焦土俱燼誰
從壁中留漆書乎珂自避亂時曾負笈於鳳山
招提幸存靈簡藏以待文獻之徵取而證之庚
子冬草昧初啟署守趙公雅意維新建學事竣
旋欲編修郡志進諸老而問之卽持此舊編以
應乃五日京兆封簾以行而涪志一帙遂隨琴
鶴俱去今我

涪州志

文序

聖上命遍徵裨野且喜墨莊尙存皓首確記謹述舊
以備考至於天崇間事皆耳而目之俱爲增
輯俾成一郡全帙也

舊序

明經 夏道碩

志非瑣業也涪雖支郡亦可比於古諸侯百里之封古諸侯皆各有史官以紀其事而書其山川人物蓋務以示鑑而策後也自秦漢以來始郡縣其天下而郡縣始有分志

國朝始合有一統志是一統之合亦繇分而集耳然則郡縣徵志太史何由而採風後裔何由而稽古又况各處山川風俗人情事蹟世世相續人以相師如木之本而水之源乎涪志自明嘉

涪州志

夏序

一

靖間我先大父冠山公以一時史才之望爲郡大父暨鄉里人士推之而事乃舉頗稱明脩追甲申賊變後不啻秦灰蕩然無存矣維余小子蜀忝嫡裔愧不能紹揚先烈繼我箕裘僅記述其序文更遍覓諸石刻不勝手澤之感茲幸同戚友數老人皆躬當明盛又親嘗亂離底此又四十年豈天之特遺數老以續前徽而啓後勛耶所尤賴當事賢公撫形勝而慨流風曰古志旣亡矣昔漢世求尙書於伏博士雖云口誦

所關尤大今

朝廷方纂修明史購求天下遺書以脩蘭臺之選諸先生得無意乎於是乘斯餘齡考厥成迹草成一帙聊以塵公覽塞吾責而已嗟夫舊志成於先大父者正席隆平百事燦列猶可資闡今志之續於我數老人者起亂而治承廢而興較昔爲難孟夫子謂無此見知安有聞知且吾涪之先輩尙忠厚樹清節鼎鼎疊疊蓋不止以科名爵秩爲地重者至今猶令人仰止慨慕不衰

涪州志

夏序

二

也後之作者尙其勉諸

舊序

州牧 董維祺

自姬周分茅列土史漸成於侯國而輜軒問俗事各載於風詩此卽志之所由昉也秦置縣郡以後幅幘益擴雖葦爾彈丸亦各有專紀國史風詩文變而爲志然則郡縣之有志也皆踵詩史之遺意而成之者也豈徒載籍之具文已哉蓋將以往事之薰蕕爲後人之法戒所以正人心維風俗而廣王化於無疆者未必不基乎此也志顧不重歟我

涪州志

董序

一

國朝聲教四訖梯山航海盡入版圖遐陬方物悉登汗簡此車書大一統之盛也然一統之志必由郡縣之志以集之若蜀涪郡志久沒於明季之灰燼余於甲申歲承乏茲土下車問俗訪其人物山川渺無所據旣而購一郡志藁本閱之乃昔郡中鄉先生共成於前守蕭公時也歷今又二十餘載其間不無亥豕之虞且藁多塗抹訛舛鉅飭兼以蠹食之餘僅屬殘編斷簡不輯而梓之終歸於盡矧今

聖天子釐修國史博採風謠各上憲加意蜀志徧徵

郡邑之書以脩採擇而涪志尙爲繕本不獨吏職之疎抑亦貽羞于封域也余乃捃摭散帙泰諸學士大夫典型碩彥相與正其譌理其緒補其舊蹟續以新編壽之棗梨庶幾可垂於不朽以此而歸於全蜀志是一國之書也以此而歸於一統志是又天下之書也寧僅爲一郡之詩史也耶尤與涪之人士家藏一冊而讀之觀忠臣孝子之行則知所以事君親親貞人修士之

涪州志

董序

二

操則知所以礪名節閱人文仕蹟之顯則知所以奮功名下至牧童樵叟皆得播爲歌謠以正閭閻之陋習由此草薄從忠化民成俗寧不爲吏治光哉異日者歲閱歲而人益衆人閱人而事愈增補續之功殆又有望於後之守是邦者因不揣荒陋述其梗槩而爲之序

舊序

明經馮懋柱州人

涪志一書燬於明季正余先君子守涪時事也
迴思一炬之餘滿目盡爲焦土何有於志及

國朝定蜀幾同草昧初開郡守下車事皆草創欲
訪其風土人物似難問諸水濱矣猶幸郡有劉
夏文諸先生俱屬明季遺獻博聞強記堪脩顧
問於當時共採所見所聞彙成地乘一集雖其
詳不可考而大畧已有可觀但集僅抄白歷吳
朱蕭孟楊徐六郡侯皆未授梓久之常絕編殘

涪州志

馮序

狼籍失序魚魯亥亥莫辨異同至甲申歲千山
董使君來守是邦見其典物廢弛遂慨然有振
興之志他務未及首建學宮制度輝煌直起涪
六十餘年之墜緒誠一郡之大觀也學宮告成
爰及於志及徵文考獻而郡老皆無在者于是
收殘編命余共襄厥事余本泉石野人耳兀坐
茅廬足久不履城市醯鷄甕老何知化日光天
矧其蠹簡無憑既不能效伏生之口又奚能載
董狐之筆自揣襍線無長未敢堪此大役也既

而堅辭不獲乃不得已而就命焉區區之衷祇
期上以成董侯興廢之盛心下以成諸先生未
竟之手蹟雖狂瞽貽譏又奚所恤哉其集中紀
載凡係諸先生所考定者不敢妄易隻字止取
傳寫之訛塗註之誤校而正之殘缺者補之新
增者續之寧詳勿畧寧野勿史黔驢之技技止
此耳是耶非耶惟敬聽諸知我罪我者

涪州志

馮序

三

舊序

國朝訓導 孫于朝

郡志一書非僅紀山川列風土也考之周禮小史氏掌邦國之志而郡邑之載不乏學士大夫多兢兢於世焉顧稱循良而兼良史者非具體國經野之才擅淹貫宏通之識安能俾一郡之人一郡之事使貞淫正變燦若雲漢上貢輶軒採擇珥筆

彤庭與

國史益傳不朽哉朝于董使君不勝忻藉焉公自

涪州志

孫序

甲申歲奉

簡命而來牧茲土也迄今十有二稔公本慈祥爲懷永葉自矢民歌樂只士登絃誦講張者歛跡頑梗者畏服蒸然稱上理焉公下車之明年以學校爲起化之原他務未遑首建黌宮萬仞巍巍冠冕全治旋置禮器釋奠鼓篋俾諸生以時習禮於其中厥後科名雀起人文蔚盛皆公鼎建培風力也他如清戶口也而侵越患息鋤楚民也而兼并風衰以至嚴保甲而杜奪取也而人

民安堵婚姻以正自是利興弊革次第畢舉今

於地乘尤惓惓焉涪志創始于明季自迭遭秦灰訪之故老而漸滅殆盡公始博採風謠蒐羅掌故從鄉郡人劉夏文諸先生繕本於公退之暇殫力譬校核据精詳付諸梨棗直而不飾質而不俚簡而該確而當序次謙抑不掩前烈仰公之意冀涪人士覽斯志也曰某也忠某也孝某也節某也義人心風俗咸繫于此寧僅誌山川列風土爲紀載之虛文哉所謂循良而兼良史才洵不誣也志餒于甲午秋仲閏六月而告竣于朝濫竽苜蓿薰炙公之德教久復觀郡乘之適觀厥成益思不知煩公幾經心力而獲觀茲盛舉矣因不揣固陋敬附卮言于簡末

涪州志

孫序

二十一

舊序

國朝
州牧郭憲儀

蓋九州邑之有誌書也不第取信於一時而實

徵信於天下後世以垂之永久而不廢俾後之

閱是書者於條分縷晰之下恍如親歷其地目

擊其盛而無不洞悉則是書之宜珍惜而不使

少有廢墜焉可也丁巳春余宦涪陵涪陵爲風

昔名勝之區其山川之雄偉與夫古今文物之

盛甲於全蜀其尤不可以不傳也審矣一日公

餘之暇適見署中所藏書板塵封沙積蟻穴重

涪州志

郭序

穿旋取而編定之則已殘缺失次而所存者又

大半朽壞或字迹模糊難以識辨涪陵一方之

勝幾至淹沒無傳焉矣檢閱之下能無不全不

脩之感乎隨卽構之紳士之家始得其全本爰

命梓人缺者補之朽壞模糊者新之閱兩月而

工始竣雖是書之成不過因前人已成之功而

整理之予何敢自以爲功但以昔日之殘編斷

簡幾廢棄於塵土中者而今得復爲完璧是則

私心之所少慰者也將見自茲以後極美脩之

觀無缺畧之虞學士大夫披覽之下可復窺全

豹而

朝廷采風之使亦得有所考據以脩採擇運之後

世傳之無窮實爲是書之幸亦卽余之厚幸也

謹序

涪州志

郭序

二